

Zabalgarbiren kontrako ekologisten mozioa eztabaidatuko du Bilboko Udalak

Hirigintza arloko baimena behar du Diputazioak errauste planta gauzatzeko

Kristina Martin / Bilbo

Zabalgarbi hondakin solidoak errausteko plantaren proiektua Bilboko ingurugirorako eta hiritarren osasunerako kaltegarria izateaz

gain, ekologisten ustez, legearen kontra doa. Horregatik, hain zuzen, errausteko plantaren kontrako mobilizazioak eta sinadura bilketa egiten ari da Bizkaia Bizirik taldea. Hala-ber, Udaleko talde politikoei biharko

osoko bilkuran eztabaidatu eta zuzenketak aurkezteko aukera izango dute talde ekologistak errauste plantaren kontra eginiko mozioari. Ekologistek «konpromiso» jokatzeko deia egin diete alderdi politikoei.

ZABALGARBIK Europako ingurugiro politiken kontrako eredu bultzatu, Bilboko kutsadura areagotu, hiritarren osasuna kalteatu eta lurrak nekazaritzan erabiltzeko oztopatzeaz gain, lege kontrako proiektua da; Bizkaia Bizirik talde ekologistako kideek atzo Bilbon egin agerraldian egin zuten salaketa.

Zabalgarbi, Artigasen erai-ki nahi den hondakin solidoak errausteko plantaren izena da; Bizkaiko Foru Aldundiak bultzatu du proiektua. Egitasmoaren kontrako jarrera adierazteko kanpaina abiatu dute ekologistek. Mendi martxak eta manifestazioak eginak dituzte, eta oposizioarekin segitzeko beste mobilizazio batzuk iragarri dituzte. Izan ere, zapatu eguerdian Arenatik Diputazioraino kalejira egingo dute. Halaber, domekan, 10:00ak aldera Rekalde eta Alonsotegitik abiatuko den mendi martxa antolatuko dute, eta eguerdian Zabalgarbi Arriaga Antzokira joango den manifestaziorako deia ere egin dute.

Sinadura bilketa «arrakastatsua»

Horrekin batera, sinadura bilketa egiten ari dira ekologistak, eta «denbora laburrean gizarteko arlo ugari-ko ordezkariei atxikimendua lortzen ari gara», jakinarazi zuen Jon Torrek, Bizkaia Bizirik taldeko kidea.

Euskal Herriko hainbat pertsonaia ospetsuk atxikimendua adierazi dute. Abeslarien artean Benito Lertxundi, Mikel Laboa, Tapia eta Leturia edota Muguruza anaiek sinatu dute Zabalgarbiren aurkako manifestua; Txillardegi eta Arantza Urretabizkaia idazleak; Ramon Barea aktoreak; Juanito Oizartabal eta Inurritegi anaiak mendizaleak; margolariak, eskultoreak, arkitektoak, hedabideetako langileak, sukaldariak, medikuak eta EHUKo irakasle zerrenda zabalak bat egin dute.



XOUSE SIMAL

Bizkaia Bizirik talde ekologistako kideak, Jon Torre eta Txerio Alcantara, atzoko prentsaurrean.

EH: «Ageriko irregulartasunak daude»

BILBOKO Euskal Herritarrok (EH) udal taldeak atzo iragarri zuen biharko osoko bilkuran Zabalgarbi proiektuaren kontra egingo duela. Lander Etxebarria EHko zinegotziak adierazi zuenez, «Zabalgarbi Bilboko Udalarri lan baimena eskatu zion urtarrean eta aurkeztutako txostena aztertu eta zuzenketak egiteko bi hilabete eskas eman dituzte».

Zabalgarbiko proiektuaren bultzatzaileek gizarteak errauste plantaren kontrako jarrera adierazteko astirik ez izateko trikimailua erabili

duela uste du EHk. Nolanahi ere, «milaka orriko txosten hori begiratzeko oso denbora gutxi izan arren, gainbegirada batean hainbat irregulartasun antze-man ditugu», ohartarazi zuen Etxebarriak.

Marta Perez EHko zinegotziak irregulartasun horietako batzuk aipatu zituen. «Hasteko, ez da errausteko planta soil, zentral termikoa baizik. Bilbo, «kutsatutako zonalde» dago izendatuta, eta lege ezin da zonaldeotan ez errauste plantarik ez zentral termikorik eraiki.

Hondakinak erraustea murrizketa, berrerabilpena eta birziklapena bultzatzen dituen eredu eramangarriaren kontra doa. Bideragarritasun ekonomikoaren eta kostuen txostenik ez da inon agertzen, eta azkenik, zentralaren isuriak, erraustak eta bestelako zaborrak non metatuko diren ere ez du zehazten», jakinarazi zuen EHko kideak.

Bestalde, «Udaleko Hirigintza arloko teknikoak irregulartasun horietaz ez konturatzea harrigarria da», esan zuen Marta Perezek.

Bestalde, Zabalgarbik aurrera egin ahal izateko Bilboko Udaleko lan baimena behar duenez, bihar bertan alderdi politikoei aukera izango dute ekologistek aurkeztutako errauste plantaren kontrako mozioa osoko bilkuran eztabaidatu eta proiektuari zuzenketak aurkezteko. Bizkaia Bizirik tal-

deak alderdi politikoei konpromiso jokatzeko eskatu zien atzoko prentsaurrean, eta IU-EB, EH, ICV eta PPri eskatu diete orain arte adierazitako proiektuaren kontrako jarrera berresteko. Osoko bilkurak dirauen bitartean, ekologistak udal-terreko eskaileretan bilduko direla iragarri zuten.

Hala, Jon Torrek ohartarazi zuenez, «ez dugu Lemoizko zentral nuklear edota Itoizko urtegiarekin gertatutakoa errepikatu nahi. Ezlegezko proiektuak aurrera joaten dira, eta azkenean justiziak debekatzen dituzte, bertan behera gelditzen dira, baina kaltea jada eginda dago, eta ez dago atzera bueltarik».

Errobiko erreka komiteak uraren kalitatea hobetu nahi du

■ Komitearen helburuak finkatu dituzte Uztaritzeko biltzarrean

Eneko Bidegain / Uztaritze

ERROBIKO erreka hitzarmenaren komiteak ondo denboretako ekintzak eta egitaraua aurkeztu zituen atzo arratsaldean Uztaritzen. Errobi erreka-aren bazterretako udalak eta uraren arloko adituak biltzen ditu komite horrek. Uraren kalitate bakteriologikoaren hobetzeari ematen diote lehentasuna. 221 milioi libera (5.525 milioi pezeta) inbertituko dituzte uraren kalitatearen hobetzeko, 260 milioi-ko liberako aurrekontutik. Zati horretatik gehiena joanen da kalitate bakteriologikoaren berreskuratzea, 188 milioi libera hain zuzen.

Errobiko errekek kalitatea gain behera azkarra izan dute azken denboretan, erreka-zaintzako adituek atzo zehaztu zuten. Sail horrek edateko uraren baliabideen segurtatzea bere gain hartuko du, baita istripuzko kutsadura arriskuen neurtea ere.

Bertze ekintza sail bat erreken babesteaz, antolatzaz eta entretenitzeaz arduratuko da. 16 milioi libera inbertituko dituzte sail horretan. Uholde arriskuen aurkako plana kokatu dute aurrekontu horretan, bertzeak bertze. Bertze hainbeste diru inbertituko dute gune hezei balioaren emateko. Arrainen kudeaketa eta baliabideen ezagutza hobetu nahi dituzte.

Elkartasunaren beharra

Jean-Michel Galant Azkarateko auzapezak edateko ura gehien bat kostaldeko hirietara doala zehaztu zuen. «Zenbaki ikaragarriak» azpimarratu eta kostalde eta barnealdearen arteko elkartasuna aldarrikatu zuen. Bernard Auroy komiteko lehendakariak «sistema baten aurkitzea ahalgintzen» direla baina «ez dela erraza» erantzun zion. Komiteak aurrekontuaren zati handi bat bere gain du : 116 milioi libera.